

Novi nacrt Zakona o visokom obrazovanju “Korak u pravom smijeru”

Misija OSCE-a u Bosni i Hercegovini i Ured Visokog predstavnika u Bosni i Hercegovini (OHR) / Specijalnog predstavnika Evropske Unije (EUSR) konstatirali su da je Ministarstvo civilnih poslova 27. aprila 2006. godine, Vijeću ministara BiH dostavilo na razmatranje Nacrt zakona o visokom obrazovanju.

Ovo je prvi korak u pravom smijeru od kada Parlamentarna skupština BiH 2004. godine nije uspjela usvojiti sličan nacrt zakona.

Donošenje zakona već odavno kasni jer je Bosna i Hercegovina potpisala i ratificirala Bolonjsku deklaraciju i Konvenciju o priznavanju kvalifikacija iz oblasti visokog obrazovanja u regionu Evrope u septembru 2003. i januaru 2004. godine.

Bosna i Hercegovina jedna je od malobrojnih država u Evropi koja još uvijek nije usvojila novi zakonski okvir za realizaciju bolonjskih i lisabonskih zahtjeva. Zbog toga urgiramo da Vijeće ministara BiH i Parlamentarna skupština BiH usvoje ovaj zakon po hitnom postupku.

Evropsko partnerstvo sa Bosnom i Hercegovinom zahtijeva usvajanje ovog zakona do juna 2006. godine.

Zakon o visokom obrazovanju pomoći će modernizaciju obrazovanja u ovoj zemlji i stvoriti više mogućnosti za obrazovanje, istraživanje i zapošljavanje za sve građane Bosne i Hercegovine.